

## ხელშეკრულება საბროკერო მომსახურების შესახებ

წინამდებარე ხელშეკრულებას საბროკერო კომპანიის მიერ გაწეული მომსახურების შესახებ (“ხელშეკრულება”), დებენ სააქციო საზოგადოება “გალტ ენდ თაგარტი” (“კომპანია”), რომელიც დარეგისტრირებულია საქართველოში (საიდენტიფიკაციო კოდი 211359206) და მოქმედებს საქართველოს კანონმდებლობის და ლიცენზიის შესაბამისად (საქართველოს ეროვნული ბანკის ვიცე-პრეზიდენტის 2014 წლის 10 სექტემბრის №820 განკარგულების საფუძველზე) და \_\_\_\_\_ (“კლიენტი”), კლიენტი და კომპანია შემდგომში წოდებულია როგორც მხარე, ხოლო კოლექტიურად – მხარეები.

### პრეამბულა

რადგან კლიენტი გამოთქვამს სურვილს წინამდებარე ხელშეკრულების მუხლების და საქართველოს კანონმდებლობის მიხედვით, კომპანიის დახმარებით, შეისყიდოს და გაყიდოს ემიტენტის ფასიანი ქაღალდები, რომელთა იდენტიფიცირებასაც კლიენტი დროდადრო ახდენს კომპანიისათვის, აგრეთვე, ისარგებლოს კომპანიის მიერ ხელშეკრულებით გათვალისწინებული სხვა მომსახურებით.

რადგან მხარეები საქმიანობას განახორციელებენ ორმხრივ მომგებიანი პარტნიორობის სულისკვეთებით, კომერციული საქმიანობისათვის დადგენილი წესების და ეტიკეტის დაცვით.

რადგან მხარეები თანხმდებიან განიხილონ კომერციული საქმიანობისათვის გათვალისწინებული საქართველოს საფონდო ბირჟისა და საქართველოს ფასიანი ქაღალდების ცენტრალური დეპოზიტარის წესები და ეტიკეტი, როგორც განხორციელებული ან განსახორციელებელი ყიდვა-გაყიდვის დროს მოქმედი სამართლიანი და მიუკერძოებელი წესები, რომელთა თანახმად კომპანია იმოქმედებს შესაბამისი ოპერაციების განხორციელებისა და კლიენტის დავალებების შესრულებისას, როგორც ეს განსაზღვრულია ხელშეკრულებაში.

და, რადგან მხარეების მიერ მომსახურების სპეციფიკა განისაზღვრება ყოველი კონკრეტული ოპერაციისათვის კლიენტის სურვილიდან, ოპერაციის არსებითი პირობებიდან და კლიენტის დავალებებიდან გამომდინარე,

ამიტომ, მხარეები თანხმდებიან შემდეგზე:

### 1. განმარტებები

წინამდებარე ხელშეკრულებაში ქვემოთმოყვანილი ტერმინები გამოიყენება შემდეგი მნიშვნელობებით:

“**ამონაწერი**” განსაზღვრულია ხელშეკრულების მუხლით 11.

“**ანგარიშის ნაშთი**” არის “კლიენტის” ანგარიშზე არსებული “აქტივების” ერთობლივი ღირებულება. “ანგარიშის ნაშთის” დაანგარიშებისას, ფასიანი ქაღალდების ღირებულება გამოითვლება “შეფასების მეთოდის” მიხედვით.

“**ანგარისწმორების დღე**” არის სამუშაო დღე, როცა გადასახდელი თანხა ერთი მხარის მიერ გადაერიცხება მეორე მხარეს მის საბანკო ანგარიშზე, თუ სხვაგვარად არ არის შეთანხმებული მხარეების მიერ და/ან ხდება ფასიანი ქაღალდების გადაცემა ერთი მხარის მიერ მეორე მხარის ფასიანი ქაღალდების ანგარიშზე.

“**არააქტიური ანგარიში**” არის ანგარიში, რომელიც არ არის აქტიური ანგარიში.

“**არსებითი პირობები**” ნიშნავს გარიგების დადასტურების და სხვა შესაბამისი ოპერაციების ყველა პირობას, რომლებზეც თანხმდებიან მხარეები “კომპანიის” მიერ “კლიენტის” დავალების მიღებისას. არსებითი პირობები, როგორც მინიმუმ, უნდა მოიცავდეს შემდეგს:

გარიგების განხორციელების თარიღი;



ანგარიშსწორების თარიღი;  
დავალების ტიპი (ყიდვა, გაყიდვა, დავალება ფასზე ლიმიტით, დავალება ძალაშია მის გაუქმებამდე, და ა.შ.);  
ემიტენტი;  
ფასიანი ქაღალდების ტიპი;  
ფასიანი ქაღალდების ღირებულება (ფასიანი ქაღალდების ღირებულება შესაძლოა დაფიქსირდეს ნომინალური ღირებულების პროცენტში);  
მთლიანი ნომინალური ღირებულება და/ან ფასიანი ქაღალდების რაოდენობა (რომელიც შესაძლებელია);  
დარიცხული პროცენტები (ასეთის არსებობის შემთხვევაში);  
გადასახდელი თანხა (კომპანიის გასამრჯელოს ჩათვლით).

**“აქტივები”** არის “კლიენტის” ანგარიშზე არსებული ფულადი სახსრები და ფასიანი ქაღალდები.

**“აქტიური ანგარიში”** არის ანგარიში, რომელზეც ხდება თვეში მინიმუმ ერთი ან მეტი ოპერაციის წარმოება “კომპანიის” მიერ ნებისმიერი გადასახდელის დარიცხვის ჩათვლით, წინამდებარე ხელშეკრულების მიხედვით.

**“გადასახდელი თანხა”** იმ შემთხვევაში თუ “კლიენტი” ყიდულობს ფასიან ქაღალდებს, “გადასახდელი თანხა” ნიშნავს გარიგების მთლიან ღირებულებას დამატებული “კომპანიის” სათანადო გასამრჯელოები, რომელიც “კლიენტმა” უნდა გადაუხადოს “კომპანიას” წინამდებარე ხელშეკრულების მიხედვით.

იმ შემთხვევაში, თუ “კლიენტი” ჰყიდის ფასიან ქაღალდებს, “გადასახდელი თანხა” ნიშნავს გარიგების მთლიან ღირებულებას გამოკლებული “კომპანიის” სათანადო გასამრჯელოები, რომელიც “კომპანიამ” უნდა გადაუხადოს “კლიენტს” წინამდებარე ხელშეკრულების მიხედვით.

იმ შემთხვევაში, თუ საქმე ეხება კუპონიან ფასიან ქაღალდებს გადასახდელი თანხა, გარიგების მთლიან ღირებულებაში, მოიცავს დარიცხულ პროცენტებს გამოთვლილს გარიგების დღეს.

**“გარიგების დადასტურება”** წარმოადგენს “კლიენტის” დავალებების მიხედვით ოპერაციის განხორციელების საკმარის საფუძველს, და იგი სავალდებულოა ორივე მხარისათვის. “გარიგების დადასტურება” (1) ივსება “კომპანიის” მიერ იმ ფორმით, როგორც ეს მოცემულია დანართში 2 (თუ სხვაგვარად არ არის შეთანხმებული მხარეებს შორის ან დარეგულირებული კანონის მიერ) და (2) შეიცავს მხარეების მიერ შეთანხმებულ პირობებს, არსებითი პირობების ჩათვლით.

**“გარიგების დადასტურება”** წარმოადგენს დოკუმენტს, რომელიც ადასტურებს ფასიანი ქაღალდების მფლობელის უფლებათა გადასვლას ერთი მხარიდან მეორეზე.

თუკი “გარიგების დადასტურება” და წინამდებარე ხელშეკრულების რომელიმე პუნქტი არათავსებადია ერთმანეთის მიმართ, მაშინ “გარიგების დადასტურება” ჩაითვლება უპირატესად.

**“გარიგების დღე”** ნიშნავს საშუალო დღეს, როცა მხარეების მიერ თანხმდება ყველა არსებითი პირობა. გარიგების დღე ფიქსირდება “გარიგების დადასტურებაში”.

**“დავალებები”** ნიშნავს “კლიენტის” ნებისმიერი უფლებამოსილი პირის მხრიდან “კომპანიისათვის” გაცემულ ზეპირსიტყვიერ ან წერილობით მითითებებს იმ პირობით, რომ:

- ა. კომპანიის მომსახურების შემთხვევაში, დავალებები უნდა მოიცავდეს არსებით პირობებს და ასევე, ნებისმიერ შესაბამის დამატებით პირობებს, მისი არსებობის შემთხვევაში.
- ბ. დეპოზიტური მომსახურების (იგულისხმება მხოლოდ ფასიანი ქაღალდების ფლობა ნომინალურ მფლობელობაში და შესაბამისი მომსახურების გაწევა) შემთხვევაში, დავალებები მოიცავს შემდეგ საკითხებს: ემიტენტი, ფასიანი ქაღალდების ტიპი, მთლიანი ნომინალური ღირებულება (ნომინალური ღირებულების არარსებობისას – რაოდენობა), გამოშვებული ფასიანი ქაღალდების რაოდენობა და თარიღი (ასეთის არსებობის შემთხვევაში), გადასაცემი ან მისაღები ფასიანი ქაღალდების სერია (ასეთის არსებობის შემთხვევაში), გადასარიცხი ან მისაღები თანხების ოდენობა, შესაბამისი ოპერაციის განხორციელების დრო და სხვა ნებისმიერი დამატებითი პირობები.



გ. დავალებების მიცემა უნდა განხორციელდეს ქართულ და/ან ინგლისურ ენებზე.  
 დ. დავალებების მიცემა და შესრულება ხდება საქართველოს კანონმდებლობის შესაბამისად.  
 ე. “კომპანია” არ მოეთხოვება განხორციელოს დავალებები, რომლებიც აკრძალული, შეზღუდული ან სხვაგვარად ლიმიტირებულია სათანადო ფასიანი ქაღალდების ბაზარზე (ბაზრებზე) მოქმედი კანონმდებლობის და წესების მიხედვით. “კომპანია” ვალდებულია შეძლებისდაგვარად სწრაფად აცნობოს “კლიენტს” ასეთი აკრძალვების და შეზღუდვების შესახებ და მხარეები ერთობლივად იღებენ გადაწყვეტილებას ასეთ დავალებებთან დაკავშირებით. “კომპანია” არ არის პასუხისმგებელი ზარალზე, რომელიც მიაღება “კლიენტს” იმ შემთხვევაში თუ “კომპანია” ვერ ასრულებს დავალებებს კანონით და წესებით დადგენილი შეზღუდვების გამო ან ბაზრის კონიუნქტურიდან გამომდინარე.

**“დაფინანსების ხარჯი”** არის ხარჯი “კომპანიის” იმ ფინანსურ სახსრებზე, რომელიც შესაძლოა “კომპანიამ” გამოიყენოს კლიენტის დავალებების შესაბამისად განხორციელებული ოპერაციების თანხის ან/და ოპერაციებთან დაკავშირებული ხარჯების დასაფინანსებლად. “კომპანიამ” დაფინანსების ხარჯად შესაძლოა დაადგინოს არანაკლებ საქართველოს ეროვნული ბანკის მიერ დადგენილი სესხებზე საბაზრო საპროცენტო განაკვეთის (“საბაზრო საპროცენტო განაკვეთი”) შესაბამისი პროცენტის ოდენობით, ან/და კომპანიის ხარჯების შესაბამისად თუ ეს ხარჯები აღემატება საბაზრო საპროცენტო განაკვეთს, თუ სხვაგვარად არ იქნა წერილობით შეთანხმებული მხარებს შორის. “კომპანიას” უფლება აქვს შეცვალოს დაფინანსების ხარჯის საპროცენტო განაკვეთის დადგენის წესი კანონმდებლობის ან/და საბაზრო კონიუნქტურის გათვალისწინებით იმ პირობით, რომ ასეთი ცვლილება იქნება გონივრული და ამის შესახებ “კლიენტს” მიეწოდება ინფორმაცია განხორციელებამდე ათი (10) სამუშაო დღით ადრე. დაფინანსების ხარჯთან დაკავშირებული განაკვეთი ან/და განაკვეთის დადგენის წესის ნებისმიერი ცვლილება ჩაითვლება დადასტურებულად “კლიენტის” მიერ თუ “კომპანია” არ მიიღებს საწინააღმდეგო სახის შეტყობინებას “კლიენტისაგან” ზემოაღნიშნული ვადის პერიოდში.

**“ემიტენტი”** არის ნებისმიერი იურიდიული პირი, რომელიც არის სათანადოდ ორგანიზებულია და ფუქციონირებს სათანადო იურისდიქციის კანონმდებლობის მიხედვით და, რომელსაც, გამოშვებული აქვს ფასიანი ქაღალდები.

**“კანონმდებლობა”** ნიშნავს კანონებს, რომლებიც არეგულირებს “კომპანიის” ან მის მიერ განსაზღვრული შუამავლების, ბროკერ/დილერების, კასტოდიანების ან ნომინალური მფლობელის მიერ წინამდებარე ხელშეკრულებით განსაზღვრულ საქმიანობებს.

**“კლიენტი”** ნიშნავს კლიენტს და არავის სხვას, თუ სხვაგვარად არ არის შეთანხმებული მხარეების მიერ. კომპანია უფლებამოსილია ჩათვალოს კლიენტი პრინციპალად.

**“კლიენტის უფლებამოსილი პირი (პირები)”** ან **“კომპანიის უფლებამოსილი პირი (პირები)”** ნიშნავს: 1. ნებისმიერი მხარის ნებისმიერ წარმომადგენელს, თანამშრომელს, მენეჯერს ან შუამავალს, რომელიც ერთი მხარის მეორე მხარისათვის მიწოდებული წერილობითი შეტყობინების საფუძველზე განისაზღვრა უფლებამოსილ პირად და მოქმედებს პირველი მხარის სახელით ნებისმიერი საქმიანობის, კენჭისყრის ან წინამდებარე ხელშეკრულებით გათვალისწინებული სხვა ვალდებულებების განხორციელების მიზნით; 2. ნებისმიერი სხვა პირი, ფირმა ან კომპანია, რომელსაც ერთი მხარიდან აქვს შესაბამისი მინდობილობა იმგვარი ფორმით, როგორც მისაღებია მეორე მხარისათვის.

**“მიღებული საბაზრო პრაქტიკა”** ხელშეკრულებაში გათვალისწინებული საჯარიმო დებულებებთან მიმართებაში, ნიშნავს საპროცენტო განაკვეთს, რომელიც ამჟამად შეადგენს კონკრეტული ოპერაციის მთლიანი ღირებულების ერთ მეათედს (0.1%) ყოველ გადაცილებულ დღეზე.

**“მომსახურება”** ნიშნავს მომსახურების სახეებს, რომელსაც კომპანია უწევს კლიენტს წინამდებარე ხელშეკრულების თანახმად.

**“მომსახურების სახეობათა ტარიფები”** ნიშნავს მომსახურების და შესაბამისი გადასახდელების ტარიფების სიას, როგორც ეს განსაზღვრულია დანართში 1, რომელიც წარმოადგენს ამ ხელშეკრულების განუყოფელ ნაწილს.



“პირი” ნიშნავს ნებისმიერ ფიზიკურ პირს, ამხანაგობას, ბანკს, ერთობლივ საწარმოს, ფირმას, კორპორაციას, კომპანიას, ასოციაციას, ტრასტს ან სხვა იურიდიულ პირს ან სამთავრობო სტრუქტურულ ერთეულს ან ნებისმიერ სააგენტოს, დეპარტამენტს და სხვა.

“საინვესტიციო (საბროკერო) ანგარიში” ანუ “ანგარიში” არის შიდა ანგარიში, რომელსაც “კომპანია” ამ ხელშეკრულების თანახმად, თანხებთან და ფასიან ქაღალდებთან დაკავშირებით ხსნის და აწარმოებს “კლიენტისათვის” და რომელიც სრულად შეიცავს ინფორმაციას ემიტენტის, ფასიანი ქაღალდების ტიპის შესახებ, მთლიან ნომინალურ ღირებულებას (ასეთის არარსებობის შემთხვევაში – რაოდენობას), გამოშვების ნომერს და თარიღს (ასეთის არსებობის შემთხვევაში), ფასიანი ქაღალდების სერიას (ასეთის არსებობის შემთხვევაში) და თანხების ოდენობას.

“სამართლებრივი ბენეფიციარი და ბენეფიციარული საკუთრების პრინციპები” გამოიყენება წინამდებარე ხელშეკრულების მუხლით 8 განსაზღვრული მნიშვნელობით.

“სამუშაო დღე” ნიშნავს დღეს (გარდა შაბათისა და კვირისა), როცა კომეციული ბანკები და საფონდო ბირჟები ღიაა და აწარმოებენ საქმიანობას ნიუ-იორკში, აშშ, ლონდონში, გაერთიანებული სამეფო და თბილისში, საქართველო.

“ფასიანი ქაღალდები” ნიშნავს ნებისმიერ აქციებს, სახაზინო ვალდებულებას, ობლიგაციებს, არაუზრუნველყოფილ სავალო ფასიან ქაღალდებს, ვექსელს, სავალო ხელწერილს, ტრატას, ვალის მტკიცებულებებს, საპროცენტო სერტიფიკატს ან ნებისმიერ მოგების განაწილებასთან დაკავშირებულ შეთანხმებაში მონაწილეობას, უზრუნველყოფილ სატრასტო სერტიფიკატს, გადაცვლად აქციებს, საინვესტიციო კონტრაქტებს, ფასიან ქაღალდზე სადეპოზიტო სერტიფიკატს, ნებისმიერ ფუთ, ქოლ სტრუქტურულ ოფციონებს ან ნებისმიერ პრივილეგიას ფასიან ქაღალდზე, დეპოზიტის სერტიფიკატზე, ფასიანი ქაღალდების ჯგუფზე ან ინდექსებზე ან ნებისმიერ ფუთ, ქოლ, სტრუქტურულ ოფციონებზე ან ეროვნულ საფონდო ბირჟაზე მოქმედ ნებისმიერ პროვილეგიას, რომელიც ეხება უცხოურ ვალუტას და სხვა, როგორც შესაძლოა განსაზღვრული იქნას კანონმდებლობის შესაბამისად, და მოიცავს სერტიფიკატებს, ამონაწერებს შესაბამისი სადეპოზიტარო ინსტიტუტებიდან, რომლებიც ამით ადასტურებენ საკუთრების უფლებას.

ფასიანი ქაღალდებია ის, რომელიც გამოშვებული და დარეგისტრირებულია კანონმდებლობის საფუძველზე, და რომლებიცაა სორციელდება ვაჭრობა ორგანიზებული სახით საფონდო ბირჟებზე ადგილობრივი ბროკერების/დილერების ან სხვა საშუალებით.

“ფასიანი ქაღალდების შენახვის გადასახდელი” არის გადასახადი, როგორც ეს განსაზღვრულია წინამდებარე ხელშეკრულების დანართ 1-ში “მომსახურების სახეობათა ტარიფები”.

“ფულადი სახსრები” ნიშნავს “კლიენტის” ფულს, რომელიც: I. კლიენტის მიერ, ხელშეკრულებით გათვალისწინებული დებულებებით, ფასიანი ქაღალდების შესყიდვის მიზნით გადაირიცხება “კომპანიის” ბროკერ-კლიენტის საბანკო ანგარიშზე “კლიენტის” დავალებების შესაბამისად “კომპანიის” მიერ მესამე პირთან დაკავშირებული ნებისმიერი ოპერაციის განხორციელებამდე და/ან II. “კომპანიამ” მიიღო მესამე პირისაგან ფასიანი ქაღალდების გაყიდვის ოპერაციის შედეგად, რომელიც განახორციელა “კომპანიამ” “კლიენტის” დავალებების შესაბამისად.

ამგვარი ფორმით “კომპანიის” მიერ გადარიცხული და/ან მიღებული ფულადი სახსრების ანგარიშზე შეტანა და შენახვა სორციელდება “კომპანიის” მიერ “კომპანიის” საკუთარი აქტივებისგან განცალკევებით. “კომპანია” ვალდებულია აღნიშნული სახსრები მიუთითოს შესაბამის ამონაწერებში. “კლიენტს” შეუძლია გადარიცხოს დამატებითი სახსრები ანგარიშზე, ან მოხსნას თანხები ანგარიშიდან “კომპანიისათვის” წინასწარ მიცემული დავალებების შესაბამისად იმ პირობით, რომ “კლიენტის” დავალების მიხედვით სახსრების ანგარიშიდან მოხსნა არ არღვევს მხარეების მიერ მანამდე აღებულ ვალდებულებებსა და “კომპანიის” მიერ მესამე პირთან განსახორციელებელ ოპერაციებს. “კლიენტი” ვალდებულია გადარიცხოს თანხები ბროკერ-კლიენტის “კომპანიის”





სპეციალურ ანგარიშზე ან ანგარიშებზე, კომპანიის მიერ დროდადრო კლიენტისათვის მიწოდებული ინფორმაციის შესაბამისად. “კლიენტი” უფლებამოსილებას ანიჭებს “კომპანიას”, საკუთარი გადაწყვეტილებით, გამოიყენოს აღნიშნული ფულადი სახსრები წინამდებარე “ხელშეკრულების” და “კლიენტის” დავალებების განხორციელების მიზნით.

“შეფასების მეთოდი” არის ფასიანი ქაღალდების ღირებულების დადგენის მეთოდი. წინამდებარე ხელშეკრულების მიზნებისათვის, შეფასების მეთოდი უნდა ასახავდეს “კომპანიის” მიერ განხორციელებულ კომერციულად გონივრულ შეფასებას და იმ ფასს, რა ფასადაც, ამ ხელშეკრულების თანახმად, “კომპანია” გადაწყვეტს გაყიდვას. ზემოაღნიშნული ფასის დადგენა ხდება ყიდვისას გრძელი პოზიციის შემთხვევაში და გაყიდვისას მოკლე პოზიციის შემთხვევაში ვაჭრობის პერიოდის დასრულებისას, რომლის განმავლობაშიც სავალდებულოა შეფასების მეთოდის გამოყენება.

## 2. ხელშეკრულების საგანი

2.1. “კლიენტი” ქირაობს “კომპანიას” ამ ხელშეკრულებით გათვალისწინებული მომსახურების გაწვევის მიზნით და თანხმობას აცხადებს გადაუხადოს “კომპანიას” ამ ხელშეკრულებით გათვალისწინებული გასამრჯელოები. თავის მხრივ, “კომპანია” თანხმობას აცხადებს გაუწიოს “კლიენტს” ხელშეკრულებით გათვალისწინებული მომსახურება.

## 3. “კომპანიის” მომსახურება

- 3.1. დავალებების შესაბამისად, “კომპანია” გამოიყენებს მის კომერციულად გონივრულ ძალისხმევას რათა:
  - (1) შეისყიდოს “კლიენტის” მიერ დავალებებში აღნიშნული ფასიანი ქაღალდები;
  - (2) დაარეგისტრიროს ხელშეკრულების 8 და 9 მუხლების მიხედვით შესყიდული ფასიანი ქაღალდები;
  - (3) “მხარეებს” შორის წინასწარი მოლაპარაკებების და “კლიენტის” დავალებებიდან გამომდინარე, გაყიდოს ან სხვა ფორმით გადასცეს ფასიანი ქაღალდები მესამე პირს.
- 3.2. “კომპანია” ვალდებულია განახორციელოს სათანადო ჩანაწერებს ანგარიშზე, რაც ადასტურებს “კომპანიის” მიერ დავალებების შესრულებას, ასევე სხვა ქმედებებს, როგორც ეს გაწერილია “მომსახურების სახეობათა ტარიფებში” ან მხარეებს შორის დამატებით ხელშეკრულებებში.
- 3.3. “კომპანია”, საკუთარი შეხედულებისამებრ, განსაზღვრავს დავალებების საფუძველზე დადგენილი ოპერაციისათვის მისაღებ მორე მხარეს. “კლიენტს” არ გააჩნია უფლება მოთხოვოს “კომპანიას” კლიენტის მიერ შერჩეულ კონკრეტულ პირთან ოპერაციის განხორციელება, თუ სხვაგვარად არ არის განსაზღვრული მხარეების მიერ.
- 3.4. “კომპანია” ოპერაციას აწარმოებს საკუთარი სახელით.
- 3.5. თუ “კომპანიას” არა აქვს მიღებული წერილობითი დავალებები მოიქცეს საპირისპიროდ, ნებისმიერი ფულადი სახსრები, რომელიც “კომპანიამ” უნდა მიიღოს მესამე პირისაგან ფასიანი ქაღალდების გაყიდვიდან მიღებული შემოსავლების, პროცენტების და დივიდენდების ჩათვლით, “კომპანიის” მიერ ჩაირიცხება და შეინახება ანგარიშზე ფასიანი ქაღალდებში შემდგომი ინვესტირების მიზნით ამ ხელშეკრულების პირობების და დავალებების შესაბამისად.

## 4. სადებოზიტარო მომსახურება

- 4.1. შესაბამისი დავალებების საფუძველზე, “კომპანია” გაუწევს “კლიენტს” სადებოზიტარო მომსახურებას, როგორც ეს განსაზღვრულია “მომსახურების სახეობების ტარიფებში”, ასეთის მოთხოვნის შემთხვევაში.
- 4.2. “კლიენტი” აცხადებს თანხმობას გადაუხადოს “კომპანიას” გასამრჯელო სადებოზიტარო მომსახურებისათვის იმ ოდენობით, როგორც ეს განსაზღვრულია “მომსახურების სახეობების ტარიფებში”, ამ ხელშეკრულების მუხლი 6 –ის მიხედვით.
- 4.3. სადებოზიტარო მომსახურება განხორციელდება ამ ხელშეკრულების მუხლი 5-ის თანახმად.

## 5. ანგარიშსწორების პროცედურები



5.1. “კომპანია”, არაუგვიანეს გარიგების დღის მომდევნო სამუშაო დღისა, ამზადებს და აწვდის “კლიენტს” ან დაავალებს მის მიერ დანიშნულ პირს, რომ მოამზადოს და მიაწოდოს “კლიენტს” სათანადო გარიგების დადასტურება ამ ხელშეკრულების 19.1 პუნქტის შესაბამისად.

5.2. ფასიანი ქაღალდების შესყიდვის დროს, “კლიენტი” გადარიცხავს ან სხვა სახით უზრუნველყოფს გადასახდელი თანხის “კომპანიის” საბანკო ანგარიშზე დასმას გარიგების დღის არაუგვიანეს დღის 10 საათისა (თბილისის დროით). ალტერნატივის სახით, “კლიენტი” აძლევს “კომპანიას” მითითებას ანგარიშიდან თანხის ჩამოწერის შესახებ იმ პირობით, რომ ანგარიშზე არის საკმარისი რაოდენობის თანხა. “კომპანიას”, ასევე, მიეწოდება ანგარიშიდან ჩამოწერის შესახებ სათანადო დავალებები. ასეთი დავალებების არარსებობის შემთხვევაში, “კომპანიას” აქვს ანგარიშიდან ჩამოწერის უფლება და ეს ჩაითვლება, როგორც კლიენტის მხრიდან შესაბამისი დავალების შესრულება.

5.3. ამ ხელშეკრულების თანახმად, “კლიენტის” მიერ ასეთი ფორმით შესყიდული ფასიანი ქაღალდები დარეგისტრირდება “კომპანიის” მიერ და გადარიცხება ანგარიშზე გარიგების დადასტურებაში მითითებულ ანგარიშსწორების დღეს. აქვე, შეთანხმებულია და “კლიენტი” აღიარებს, რომ “კომპანიას” უფლება აქვს დააყოვნოს ვალდებულებების შესრულება, თუ ვერ ხერხდება კრედიტის გაცემის ორგანიზება ან წინასწარი გადახდა მხარეების მიერ, ან “კომპანიის” მიერ წარმოებული მოლაპარაკებების გამო მესამე პირთან, როგორც შესაძლოა იქნას ბროკერი/დილერი, სადეპოზიტარო ინსტიტუტები, კლირინგის სისტემა ან კასტოდიანი.

5.4. ფასიანი ქაღალდების “კლიენტის” დავალებების შესაბამისად გაყიდვისას, “კომპანია” ანგარიშსწორების დღეს გადარიცხავს ან უზრუნველყოფს გადასახდელი თანხის ანგარიშზე გადარიცხვას, როგორც ეს განსაზღვრულია გარიგების დადასტურებაში ან “კომპანიის” მიერ გადასახდელი თანხის მიღების დღიდან არა უმეტეს სამი სამუშაო დღისა მესამე პირისაგან, ბროკერი/დილერისაგან, სადეპოზიტარო ინსტიტუტისაგან, კლირინგ სისტემისა ან “კომპანიის” კასტოდიანისაგან იმ პირობით, რომ ანგარიშზე არის საკმარისი ფასიანი ქაღალდები ან გატარებულია სათანადო ღონისძიებები კრედიტის ასაღებად ან წინასწარი გადახდა გაკეთებულია მხარეების მიერ. “კლიენტი” ვალდებულია მისცეს დავალება “კომპანიას” შეიტანოს ანგარიშზე “კლიენტის” კუთვნილი ფულადი სახსრები, და ჩამოწეროს ანგარიშიდან მესამე პირის კუთვნილი ფასიანი ქაღალდები. ანგარიშზე თანხების შეტანის და ანგარიშიდან მათი ჩამოწერის შესახებ სათანადო დავალებები მოცემული უნდა იქნას გარიგების დადასტურებაში. ასეთი დავალებების არარსებობის შემთხვევაში, “კომპანიას” უფლება აქვს, განახორციელოს ანგარიშზე ჩარიცხვა ან ჩამოწერა და ეს ჩაითვლება, როგორც “კომპანიის” მიერ “კლიენტის” შესაბამისი დავალებების შესრულება.

5.5. ხელშეკრულების პირობებით გათვალისწინებული მხარეების მიერ განსახორციელებელი ყველა გადახდა მოხდება ამ ხელშეკრულების მე-6 მუხლის თანახმად, თუ სხვაგვარად არ არის შეთანხმებული მხარეების მიერ.

5.6. მომსახურებასთან დაკავშირებული ნებისმიერი ოპერაცია, სადეპოზიტარო და სხვა მომსახურების ჩათვლით, როგორც ეს განსაზღვრულია მომსახურების სახეობათა “ტარიფებში”, განხორციელდება მხარეების მიერ შეთანხმებულ ვადებში იმ პირობით, რომ “კლიენტი” მომსახურებისათვის საჭირო დავალებებსა და დოკუმენტებს დროულად მიაწვდის “კომპანიას”. თუ მხარეების მიერ არ არის დადგენილი ვადები, “კომპანია” ახორციელებს მომსახურებას შეძლებისდაგვარად სწრაფად.

ნებისმიერ შემთხვევაში “კლიენტი” თანახმდება “კომპანიის” მიერ მომსახურების განხორციელებას, მესამე პირთან არსებული შეთანხმებების თანახმად, რომელიც მოქმედებს, როგორც სადეპოზიტარო ინსტიტუტი, საკლირინგო სისტემა ან “კომპანიის” კასტოდიანი.

5.7. “კომპანია” არ არის პასუხისმგებელი დავალებების შესრულებასა ან გარიგების დადასტურების აღსრულებაზე, თუ “კლიენტი” არ უზრუნველყოფს საჭირო სახსრების და/ან ფასიანი ქაღალდების არსებობას ანგარიშზე. ამიტომ, მხარეები თანხმდებიან, რომ მხარეებს შორის წინასწარი შეთანხმების საფუძველზე, “კომპანიას” შეუძლია “კლიენტის” უზრუნველყოფა ფულადი სახსრებით ან ფასიანი ქაღალდებით კრედიტში იმ პირობით, თუ ასეთი ურთიერთობის შესახებ გაფორმდება წერილობითი შეთანხმება მხარეებს შორის. ამ ხელშეკრულების სხვა დებულებებისათვის ზიანის მიუყენებლად, თუ კომპანია თანახმაა უზრუნველყოს კლიენტი ფულადი სახსრებით ან ფასიანი ქაღალდებით კრედიტში, “კლიენტი” დამატებით გადაუხდის “კომპანიას” დაფინანსების ხარჯს, რომელიც განსაზღვრულია სახსრების ან ფასიანი ქაღალდების რაოდენობაზე, როგორც ეს განსაზღვრულია 1 მუხლში და რომელიც გამოითვლება ფაქტიურ/365 დღიან ბაზაზე.

5.8. “კლიენტს” არ გააჩნია უფლებამოსილება განახორციელოს ფასიანი ქაღალდების ნებისმიერი ყიდვა ან გაყიდვა “პირთან”, მანამ სანამ “კომპანია” წარმოადგენს მხარეს აღნიშნული გარიგებისა.



## 6. ანგარიშსწორება

- 6.1 “კლიენტი” თანახმაა გადაუხადოს “კომპანიას” მომსახურების გასამრჯელო, როგორც ეს დადგენილია დანართში 1 “მომსახურების სახეობათა ტარიფები”.
- 6.2. ხელშეკრულების 6.1 პუნქტის დარღვევის გარეშე, “კლიენტი” ვალდებულია გადაუხადოს “კომპანიას” გასამრჯელო და ანაზღაურებს “კომპანიის” მიერ გონივრულ ფარგლებში გაწეულ ხარჯებს მათი არსებობის შემთხვევაში, როგორც ეს განსაზღვრულია ხელშეკრულების 6.3. პუნქტით.
- 6.3. “კომპანიის” კუთვნილი გასამრჯელოს და ანაზღაურებელ ხარჯებს, ასეთის არსებობის შემთხვევაში, “კლიენტი” ფარავს გარიგების განხორციელებიდან ხუთი (5) სამუშაო დღის განმავლობაში. წინააღმდეგ შემთხვევაში, კომპანიას უფლება აქვს გადაუხადელი გასამრჯელო “კლიენტს” ჩაუთვალოს “კომპანიის” მიერ გაწეულ ხარჯად და მისი ხარჯთაღრიცხვა “კლიენტს” წარუდგინოს “დაფინანსების ხარჯების” (მუხლი 1) პირობების თანახმად. ღებნიდენტ იურიდიულ კლიენტებს მოხტოვნის საფუძველზე “კომპანია” წარუდგენს ინვოისს. ზემოაღნიშნულის გარდა, “კომპანიას” შეუძლია ჩამოწეროს “კლიენტის” ანგარიშიდან მისი კუთვნილი გასამრჯელო და ხარჯების ანაზღაურების თანხები იმ შემთხვევაში, თუ: (1) “კლიენტს” ანგარიშზე აქვს შესაბამისი თავისუფალი (არა მიზნობრივი) თანხები და კლიენტისათვის “კომპანიისაგან” ცნობილია გასამრჯელოსა და ხარჯების ოდენობა, ან (2) “კლიენტი” ვერ ახერხებს გადაუხადოს “კომპანიას” გასამრჯელო და ანაზღაუროს გონივრულ ფარგლებში გაწეული ხარჯები დროულად, როგორც ეს განსაზღვრულია ზემოთ წარმოდგენილ პუნქტში. ანგარიშზე საკმარისი თანხების არარსებობის შემთხვევაში, “კომპანიას” უფლება აქვს გაყიდოს ფასიანი ქაღალდების შესაბამისი რაოდენობა, რაც საშუალებას მისცემს მიიღოს გასამრჯელოს და გაწეული ხარჯების დასაფარი საკმარისი თანხა. ენტს წინასწარ ეცნობება, თუ კომპანია დააპირებს მეორე პუნქტში აღნიშნული ღონისძიების გამოყენებას
- 6.4. “კომპანიის” გასამრჯელოები, როგორც ეს განსაზღვრულია მომსახურების სახეობათა ტარიფებში, მოცემულია დღგ-ს და სხვა სათანადო გადასახადების (ასეთების არსებობის შემთხვევაში) გარეშე, რაც შესაძლოა დაერიცხოს “კომპანიისათვის” განკუთვნილ გასამრჯელოებს. ასეთი გადასახადების ოდენობა, მათი გამოყენების შემთხვევაში, “კომპანიის” მიერ შეიტანება ხარჯთაღრიცხვაში, რათა მოხდეს “კომპანიის” კუთვნილი გასამრჯელოსა და გაწეული ხარჯების დასაფარავი თანხის ანაზღაურება ამ ხელშეკრულების 6.3 პუნქტის თანახმად.

## 7. მხარეების პასუხისმგებლობა

- 7.1 “კლიენტის” მხრიდან ხელშეკრულებით ან გარიგების დადასტურების დოკუმენტით გათვალისწინებულ ვალდებულებების შეუსრულებლობის შემთხვევაში, “კლიენტი” ვალდებულია “კომპანიას” გადაუხადოს პროცენტი მიღებული საბაზრო პრაქტიკიდან გამომდინარე, “კომპანიის” მხრიდან მოთხოვნის შემთხვევაში. “კლიენტი” ვალდებულია განახორციელოს გადახდა “კომპანიისაგან” აღნიშნული გადახდის შესახებ წერილობით/ელექტრონული შეტყობინების მიღებიდან სამი (3) სამუშაო დღის ვადაში. ასეთი შეტყობინება წარმოადგენს გადახდის ვალდებულების წარმოქმნის ერთადერთ საფუძველს. პროცენტის გადახდა არ ათავისუფლებს “კლიენტს” მისი ვალდებულებების შესრულებისაგან.
- 7.2. “კომპანია” ვალდებულია განახორციელოს “კლიენტისათვის” მიყენებული ნებისმიერი ზარალის და ზიანის კომპენსაცია მხოლოდ იმ შემთხვევაში, თუკი ასეთი გამოწვეულია მოვალეობის განზრახ, ან უხეში დაუდევრობით შეუსრულებლობით უგულვებელყოფით, უპატიოსნო ქმედებით ან არამართებული საქციელით. “კომპანია” არანაირ შემთხვევაში არ აგებს პასუხს (1) ემიტენტის მიერ ჩადენილ ნებისმიერ ქმედებაზე, რამაც შესაძლოა გავლენა იქონიოს ფასიანი ქაღალდების მფლობელის უფლებებზე; (2) საბანკო ან სადებოზიტარო ინსტიტუტების, კასტოდიური ან კლირინგის სისტემების მხრიდან ვალდებულების შეუსრულებლობის შემთხვევაში, რაც გამოიწვევს ფასიანი ქაღალდებში ინვესტირებისათვის განკუთვნილი ან მათი გაყიდვის შედეგად მიღებული ფულადი სახსრების ჩარიცხვის ან გადარიცხვის არშესრულებაში. “კომპანია” მიმართავს გონივრულ ზომებს “კლიენტისთვის” მიყენებული ზიანის აღმოფხვრის, ან მისი მინიმუმამდე დაყვანის მიზნით, ამასთან “კომპანია არ არის ვალდებული გასწიოს რაიმე ხარჯები “კლიენტს” არა აქვს უფლება პასუხისმგებლობა დააკისროს “კომპანიას” ნებისმიერ ამგვარად მიყენებულ არაპირდაპირ ზარალზე, მოგების დაკარგვის ჩათვლით.
- 7.3. “კლიენტის” კუთვნილი ნებისმიერი სახსრები და ფასიანი ქაღალდები, ან ისინი, რომელშიც “კლიენტს” აქვს დაინტერესება და რომლებიც ინახება “კომპანიის”, ქვემდებარე კომპანიის, ნომინალური მფლობელის ან კასტოდიანის მიერ იმისდა მიხედვით, თუ როგორ არის განსაზღვრული წინამდებარე ხელშეკრულების მიხედვით,



ექვემდებარება გასესხებას და დაგირავებას, რათა მოხდეს “კლიენტის” ვალდებულებების დაფარვა “კომპანიის” მიმართ და “კომპანია”, ამ შემთხვევაში, უფლებამოსილია გაყიდოს და/ან შეისყიდოს ამ სახსრების და ფასიანი ქაღალდების მთლიანი ოდენობა ან ნაწილი რის შესახებაც წინასწარ აცნობოს კლიენტს,, რათა მოხდეს დაყადაღების და გირავნობის პროცენტის დაკმაყოფილება. “კლიენტი” უპირობოდ ნიშნავს “კომპანიას” თავის ნდობით აღჭურვილ პირად, რომელიც ცვლის მას ნებისმიერი დოკუმენტის გაფორმების მიზნით, რაც საჭიროა ასეთი ყადაღის და გირავნობის პროცენტის ღირებულების დასაფარავლად.

**8. სამართლებრივი ბენეფიციარი და ბენეფიციარული საკუთრების პრიციპები**

8.1. “კლიენტი”, როგორც ფასიანი ქაღალდების სამართლებრივი მესაკუთრე, თანახმაა რომ ფასიანი ქაღალდები ღირებულების დარეგისტრირდეს შესაბამის სადეპოზიტარო ინსტიტუტსა თუ კასტოდიანში, რომელსაც შეარჩევს და მართებულად ჩათვლის “კომპანია”, მისი, როგორც პრინციპალის სახელზე. “კლიენტი” თანხმობას აცხადებს, რომ “კომპანიამ” თავისი გადაწყვეტილებით დანიშნოს მესამე პირი, რომელიც იმოქმედებს როგორც “კომპანიის” დეპოზიტარი ან წარმომადგენელი შესაბამისი სადეპოზიტარო ხელშეკრულების დებულებების შესაბამისად, რომელიც ფორმდება “კომპანიასა” და შესაბამის დეპოზიტართან ან კასტოდიანთან.

8.2. ფასიანი ქაღალდებზე გადახდილი ყველა დივიდენდი და კუპონური პროცენტი, ასევე, ნებისმიერი ფულადი სახსრები განაწილებული, როგორც დივიდენდები ან პროცენტები შეიტანება კლიენტის ანგარიშზე “კომპანიის” მიერ მათი მიღებისთანავე. აღნიშნული დივიდენდები და პროცენტები შესაძლოა გამოყენებული იქნას “კომპანიის” მიერ კლიენტის დავალებებისა და ამ ხელშეკრულებით გათვალისწინებული მიზნებისათვის. “კომპანია” არ არის პასუხისმგებელი ემიტენტის მიერ გამოცხადებულ დივიდენდებზე ან მათ ნაწილზე, რომელსაც “კომპანია” არ მიიღებს სათანადო გადასახადების დაქვითვის შედეგად ან სხვა მიზეზით, რაც არ ექვემდებარება “კომპანიის” კონტროლს.

8.3. “კლიენტს” არ გააჩნია უფლება “ფასიანი ქაღალდთან” დაკავშირებით განახორციელოს და განიხილოს კენჭისყრის რაიმე უფლებები, განახორციელოს რაიმე სახის კონვერტაციის ან ხელმოწერითი უფლებები, განიხილოს ფასიანი ქაღალდებთან დაკავშირებული ნებისმიერი სატენდერო შემოთავაზება ან სხვა სახის შემოთავაზებები ან კაპიტალური რეორგანიზაციის საკითხები, თუ სხვაგვარად არ არის შეთანხმებული მხარეების მიერ.

8.4. ზემოაღნიშნულისათვის ზიანის მიყენების გარეშე, “კომპანია” უფლებამოსილია მონაწილეობა მიიღოს ფასიანი ქაღალდების კენჭისყრაში ან დანიშნოს კასტოდიანი ან ნომინალური მფლობელი, მისი ერთპიროვნული გადაწყვეტილებით, ფასიანი ქაღალდების ემიტენტის აქციონერების ნებისმიერ შეხვედრაზე კენჭისყრის მიზნით.

8.5. “კლიენტი” თანახმაა მიანიჭოს კომპანიას უფლებამოსილება, რომ მან დააჯგუფოს “კლიენტის” ფასიანი ქაღალდები “კომპანიის” სხვა “კლიენტების” ფასიანი ქაღალდებთან. გარდა ამისა, “კლიენტი” ადასტურებს, რომ იგი არ მოითხოვს “კომპანიისაგან” იგივე აქტივების გადაცემას, მაგრამ “კომპანიას” მოეთხოვება შეასრულოს თავისი მოვალეობანი “კლიენტის” მიმართ მისთვის მსგავსი სახის და ოდენობის აქტივების მიწოდებით.

8.6. ზემოაღნიშნულიდან გამომდინარე, “კომპანია” ძალზედ ყურადღებით ახორციელებს ამ ხელშეკრულებით განსაზღვრულ თავის მოვალეობებს და მისი მიდგომა უნდა იყოს იმგვარი, როგორც ეს იქნებოდა მისი საკუთარი აქტივების დროს.

**9. შუამავლების, კასტოდიანების, ნომინალური მფლობელების და ბროკერ/დილერების დანიშვნა**

9.1. “კომპანია” უფლებამოსილია დანიშნოს შუამავლები, კასტოდიანები, ბროკერ/დილერები და ნომინალური მფლობელები თუკი ის ერთპიროვნულად გადაწყვეტს, რომ ეს საჭიროა ფასიანი ქაღალდებით ვაჭრობისათვის, შენახვისათვის და მათი ღირებულებისათვის ამ ხელშეკრულების მუხლი 8-ის მიხედვით. “კომპანია” უფლებამოსილია ამგვარად დანიშნულ მესამე პირზე მოახდინოს ამ ხელშეკრულებით გათვალისწინებული მის მიერ





განსახორციელებელი ნებისმიერი ფუნქციების დელეგირება ფასიანი ქაღალდების რეგისტრაციის და ფასიან ქაღალდებთან დაკავშირებული გადასახდელების მიღების ჩათვლით.

### 10. მხარეთა გაცხადებები და გარანტიები

10.1. “კლიენტი” ადასტურებს, რომ ფასიან ქაღალდებში განხორციელებული ინვესტიციები დაკავშირებულია გარკვეულ ვარაუდებთან და მაღალ რისკებთან, რომლებიც მოიცავს, მაგრამ არ შემოიფარგლება, პოლიტიკურ რისკებით, მაღალი განაკვეთებით დაბეგვრით, პოლიტიკური და ეკონომიკური დესტაბილიზაციით, ვალუტის დევალვაციის შესაძლებლობით, ვალუტის კურსის მერყეობით, გარკვეული პოლიტიკით, რამაც შესაძლოა გამოიწვიოს ინვესტიციაზე ამონაგების მიღების შეზღუდვა, როგორცაა ინვესტიცია ისეთ ბიზნესში, რომელიც შესაძლოა ეხება ნაციონალურ ინტერესებს და ასეთი სახის ამონაგების რეპატრიაციას. “კლიენტი” აცხადებს და იძლევა გარანტიას, რომ იგი აცნობიერებს და მსგავს რისკ ფაქტორებს, ზემოგანსაზღვრული ჩამონათვალის ჩათვლით და ადასტურებს თავის ფინანსურ შესაძლებლობას იმ ზარალის შემთხვევაში, რომელიც დაკავშირებული იქნება ფასიანი ქაღალდების და ფულადი სახსრების მიმართ მსგავსი ფაქტორების მოქმედების დროს.

10.2. “კლიენტი”, აგრეთვე, აცხადებს და იძლევა გარანტიას, რომ:

ა. მას აქვს და ხელშეკრულების მოქმედების პერიოდში ექნება სრული საშუალება და უფლება დადოს ხელშეკრულება და განახორციელოს მასში განსაზღვრული ვალდებულებები.

ბ. თუ “კლიენტი” წარმოადგენს კომპანიას ან სხვა რომელიმე კორპორატიულ ორგანოს, მას გააჩნია ხელშეკრულების ხელმოწერასთან, მიწოდებასა და განხორციელებასთან დაკავშირებული ყველა საჭირო ბრძანებულებები, რომლებიც მოქმედებს და აგრძელებს მოქმედებას ხელშეკრულებაში აღნიშნულ დღეს და მისი მოქმედების პერიოდში ცვლილებების და გაუქმების გარეშე.

გ. ხელშეკრულების მიზნებისათვის “კლიენტი” და მისი ნებისმიერი უფლებამოსილი პირი (პირები) არ წარმოადგენს აშშ ან გაერთიანებული სამეფოს მოქალაქეს და იგი დებს ხელშეკრულებას და მონაწილეობას იღებს ნებისმიერ ოპერაციაში, აშშ-ს და გაერთიანებული სამეფოს საზღვრებს გარეთ.

დ. “კლიენტმა” მიიღო ყველა სახის კონსულტაცია (“კომპანიის” გარდა სხვა პირების კონსულტაციების ჩათვლით), რომელიც ჩათვალა საჭიროდ ან მისაღებად, მანამ სანამ ხელს მოაწერდა წინამდებარე ხელშეკრულებას.

ე. იგი არის გამოცდილი ინვესტორი, რადგან მონაწილეობს საინვესტიციო ოპერაციებში საკუთარი თუ სხვა პირის ინტერესებით, პირდაპირ თუ სხვა პირის “კომპანიის” საშუალებით სხვა პირთან, რომელიც ახორციელებს ფინანსურ მომსახურებას პირის ქონებასთან დაკავშირებული დიდი და მნიშვნელოვანი ოპერაციების ჩათვლით, რომელთა ხასიათი და მათთან დაკავშირებული რისკები გააზრებული აქვს.

10.3. “კომპანია” აცხადებს და იძლევა გარანტიას, რომ იგი შექმნილია და ფუნქციონირებს მისი იურისდიქციის კანონმდებლობის დაცვით, აქვს სამართლებრივი უფლებამოსილება ხელი მოაწეროს ზემოაღნიშნულ ხელშეკრულებას და განახორციელოს მასში განსაზღვრული ვალდებულებები. ასევე აცხადებს, რომ მან განახორციელა ყველა საჭირო ქმედება (სათანადო თანხმობების, სამთავრობო მარეგულირებელ ან სხვა ორგანოებში დარეგისტრირების ჩათვლით), დაკავშირებული ხელშეკრულების გაფორმებასთან, მიწოდებასა და აღსრულებასთან.

10.4. “კლიენტი” აღიარებს, რომ ფასიანი ქაღალდები და ფულადი სახსრები, რომლებსაც მართავს “კომპანია” წინამდებარე ხელშეკრულებით განხილული იქნება, როგორც კლიენტის ფასიანი ქაღალდები და ფულადი სახსრები და “კომპანია” არ არის პასუხისმგებელი “კლიენტის” კლიენტებთან (ასეთების არსებობის შემთხვევაში) მიუხედავად მათი არსებობის ან ფასიან ქაღალდებსა და სახსრებთან დაკავშირებით მათი ინტერესების შესახებ ინფორმაციის ქონა-არქონისა.

10.5. “კლიენტი” აღიარებს, რომ ამ ხელშეკრულებით “კომპანია” არ მოქმედებს, როგორც “კლიენტის” ინვესტიციების მენეჯერი ან საინვესტიციო კონსულტანტი, და რომ “კომპანიის” მოვალეობა არის მხოლოდ იმ დავალებების შესრულება, რომლებიც განსაზღვრულია ხელშეკრულებით. “კომპანიის” მიერ “კლიენტისათვის” ამ



ხელშეკრულებასთან დაკავშირებული ან სხვა სახის ინფორმაციის მიწოდება ჩაითვლება მხოლოდ საინფორმაციო მიზნებისათვის განხორციელებულ ქმედებად და არა, როგორც შეთავაზების, რეკომენდაციის ან ფასიანი ქაღალდების ყიდვა-გაყიდვის წინადადება.

10.6. “კლიენტი” თავიდან ააცილებს და დაიცავს “კომპანიას”, მის შვილობილ კომპანიებს, მის დამფუძნებელ და დამფუძნებლის შვილობილ კომპანიებს და შესაბამის დირექტორებს, პარტნიორებს, აღმასრულებლებს, შუამავლებს და თანამშრომლებს (“დაზღვეული პირი”) ნებისმიერი ზარალის, საჩივრის, ზიანის, გადაწყვეტილების, შეფასებების, ხარჯების და სხვა ვალდებულებებისაგან, რომლებიც წარმოიშვება “კომპანიის” ან ნებისმიერი “დაზღვეული პირის” მიერ განხორციელებული მომსახურებისაგან, გარდა “კომპანიის” ან დაზღვეული პირის მიერ თავისი მოვალეობების განზრახ ან უხეში გაუფრთხილებლობით შეუსრულებლობის შემთხვევაში.

10.7. “კომპანია” არ არის ვალდებული გასცეს გარანტია ნებისმიერი ფასიანი ქაღალდის ყიდვა-გაყიდვის შესახებ და საბაზრო პირობების გამო მან შესაძლოა ვერ გაანხორციელოს სავაჭრო დავალება. შესაბამისად, “კომპანია” არ არის პასუხისმგებელი დავალების ვერშესრულებაზე გარდა იმ შემთხვევებისა, თუ დადგენილია, რომ ასეთი ვერშესრულება დადგა კომპანიის განზრახ ქმედების გამო.

### 11. ანგარიშება

11.1. “კომპანია” თანახმაა, გადაუგზავნოს “კლიენტს” (კლიენტებს) აქტიური ანგარიშის (ანგარიშების) თვიური ამონაწერები ყოველი თვის დასრულებიდან არა უმეტეს ათი (10) კალენდარული დღის ვადაში. ისინი, ვისაც აქვთ არააქტიური ანგარიში (ანგარიშები) ამონაწერებს მიიღებენ კვარტალში ერთხელ ყოველი კვარტალის დასრულებიდან არა უმეტეს ათი (10) კალენდარული დღის ვადაში და იმ შემთხვევაში თუ “კომპანიას” არ აქვს შეჩერებული ანგარიში 15.5 პუნქტის მიხედვით. აღნიშნული ამონაწერები “კლიენტს” მიეწოდება “კომპანიის” მიერ მის ელექტრონული ფოსტის მისამართზე ან ფაქსის საშუალებით, როგორც აღნიშნულია ხელშეკრულების მუხლში 19.1. ამონაწერი უნდა შეიცავდეს ანგარიშის ბალანსს იმ კალენდარული თვის უკანასკნელი სამუშაო დღის ბოლოსათვის. ანგარიშზე ფასიანი ქაღალდების არსებობის შემთხვევაში, “კომპანია” გამოითვლის მათ ღირებულებას შეფასების მეთოდის მიხედვით.

11.2. “კლიენტს” უფლება აქვს მოსთხოვოს “კომპანიას”, მიაწოდოს დამატებითი ამონაწერები შესაბამისი გასამრჯელოს პირობით, როგორც ეს განსაზღვრულია დანართში 1 მოცემულ ტარიფებში.

11.3. “კლიენტი” ვალდებულია შეტყობინოს “კომპანიას” ამონაწერებში, გარიგების დადასტურებებში და/ან სხვა შეტყობინებებში ნებისმიერი შეცდომის ან განსხვავების შესახებ “კომპანიისაგან” ამონაწერის, გარიგების დადასტურების, და/ან სხვა შეტყობინების მიღებიდან ხუთი (5) სამუშაო დღის ვადაში. ასეთი შეტყობინების არმიღების შემთხვევაში, მხარეების მიერ ამონაწერი, გარიგების დადასტურება, და/ან სხვა შეტყობინება ჩაითვლება სწორად. თუ “კომპანია” არ მიიღებს შეტყობინებას “კლიენტისაგან” შეცდომის ან განსხვავების შესახებ, როგორც ეს აღნიშნულია ზემოთ, “კლიენტი” კარგავს ამონაწერში, გარიგების დადასტურებაში, და/ან სხვა შეტყობინებაში შეცდომის შესახებ შემდგომში განცხადების უფლებას.

### 12. დაბეგვრა

12.1. “კლიენტი” პასუხისმგებელია სახელმწიფო თუ სხვა სახის შესაბამის ორგანოებში სავადასახადო დოკუმენტაციის, სავადასახადო დეკლარაციის და სავადასახადო ანგარიშების მომზადებასა წარდგენაზე ნებისმიერ სათანადო ორგანოში ამ ხელშეკრულებით გათვალისწინებულ ოპერაციებთან დაკავშირებით. ასევე, პასუხისმგებელია ყველა გადაუხდელ გადასახდელზე, გადასახადებზე (დღგ-ს ჩათვლით), ბაჟზე, მოსაკრებლებზე და გადასახდელზე, რომელიც დაერიცხება ძირითად თანხას ან პროცენტებს, ან ნებისმიერ სხვა ვალდებულებაზე ან გადასახდელზე, რომლებიც წარმოიშვება ფასიანი ქაღალდებთან დაკავშირებით (“ვალდებულებები”) იმ პირობით, რომ “კომპანია” და მხოლოდ “კომპანია” პასუხისმგებელი გასამრჯელოებზე არსებულ ნებისმიერ გადასახდას თუ სხვა სახის ვალდებულებაზე.

12.2. თუ კანონდებლობით გათვალისწინებულია ვალდებულების გადახდა ოპერაციებში მონაწილე მხარეებისათვის ჩამოქვითვის გზით, “კომპანია” ახორციელებს გადახდას ჩამოქვითვის გზით “კლიენტის” ხარჯზე იმ პირობით,



რომ “კომპანია” გამოიყენებს ყველა მის ხელთ არსებულ საშუალებას, რომ აცნობოს “კლიენტს” ამის შესახებ აღნიშნულ გადახდამდე. თუ ამჟამად მოქმედი ან შემდგომ მიღებული კანონმდებლობა ავალდებულებს “კომპანიას” დაფაროს რაიმე ვალდებულება საკუთარი ან “კლიენტის” სახელით, “კლიენტი” ვალდებულია დაუყოვნებლივ აუნაზღაუროს “კომპანიას” ასეთ ვალდებულების თანხა.

12.3. “კომპანიას” შეუძლია აწარმოოს ვალდებულების დაქვითვა, როგორც ამას განსაზღვრავს კანონმდებლობა ფასიან ქალაქთან დაკავშირებული გადასახდელების, ჩარიცხული ან დარიცხული თანხების განაწილებასთან ან ანგარიშთან მიმართებაში.

12.4. თუ “კლიენტი” არ მიაწვდის “კომპანიას” საქართველოს გადასახადის გადამხდელის საიდენტიფიკაციო ნომერს და რეგისტრაციის სერტიფიკატს, “კომპანია”, საქართველოს კანონმდებლობის თანახმად, ვალდებულია დაუკავოს “კლიენტს” გადასახადი კაპიტალურ მოგებაზე და სხვა სათანადო გადასახადები ოპერაციის შესრულებისთანავე.

12.5. ზემოაღნიშნული ვალდებულებები გაგრძელდება წინამდებარე ხელშეკრულების შეწყვეტის ან ვადის გასვლის შემთხვევაშიც.

### 13. კონფიდენციალურობა

13.1. წინამდებარე ხელშეკრულებაში მონაწილე მხარეების შესახებ ყველა ინფორმაცია, ხელშეკრულება და მისი შინაარსი კონფიდენციალურია და არ ექვემდებარება გამჟღავნებას რომელიმე მხარის მიერ, გარდა კანონით გათვალისწინებული მოთხოვნის შემთხვევისა. თუ სავალდებულოა ასეთი ინფორმაციის გამჟღავნება, მხარე, რომელიც ამას აკეთებს: (1) წარადგენს მხოლოდ იმ ინფორმაციას, რომლის გამჟღავნების მოთხოვნაც სავალდებულოა კანონით და მხოლოდ იმ პირთან, რომელიც კანონშია მითითებული; (2) აცნობებს მეორე მხარეს გამჟღავნებული ინფორმაციის შესახებ; და (3) ითხოვს, რომ ასეთი ინფორმაციის მიმღებმა კანონით გათვალისწინებულ ფარგლებში მაქსიმალურად არ გადასცეს ეს ინფორმაცია მესამე მხარეს. ზემოაღნიშნული ვალდებულებები გაგრძელდება წინამდებარე ხელშეკრულების შეწყვეტის ან ვადის გასვლის შემთხვევაშიც.

### 14. უფლებების და მოვალეობების გადაცემა

14.1. ორივე მხარეს უფლება აქვს საკუთარი უფლებები და მოვალეობანი მთლიანად ან ნაწილობრივ გადასცეს თავის აფილირებულ პირს და გადაცემული უფლება-მოვალეობების განხორციელება მის მიერ ჩაითვლება სათანადო მხარის მიერ განხორციელებულ ქმედებად. წინამდებარე ხელშეკრულება სავალდებულოა მხარეებისათვის, მათი სამართალმემკვიდრეებისა და ოფიციალურად დანიშნული წარმომადგენლებისათვის.

### 15. ხელშეკრულების პირობები

15.1. წინამდებარე ხელშეკრულება შესაძლოა შეწყვიტოს ნებისმიერმა მხარემ მეორე მხარისათვის თხუთმეტი (15) დღით ადრე წერილობითი შეტყობინების გაგზავნის გზით. ხელშეკრულების ზემოაღნიშნული სახით შეწყვეტა არ აუქმებს მანამდე დამდგარ ვალდებულებებს, ფასიანი ქალაქების ყიდვა-გაყიდვას ან სახსრების გადარიცხვას, რომლებიც კომპანიას დაწესებული ჰქონდა ვადამდელ შეწყვეტამდე და რომლებიც არ დასრულდა შეწყვეტის ვადის დადგომამდე.

15.2. თუ “კლიენტის” ანგარიში არააქტიურია და მასზე არის ნულოვანი “ანგარიშის ნაშთი” ერთი ან მეტი წლის განმავლობაში, კომპანიას უფლება აქვს დახუროს ანგარიში შეტობინების გარეშე. ანგარიშის დახურვა, ასევე, შესაძლებელია “კლიენტის” მოთხოვნით 15.1. პუნქტის გათვალისწინებით.

15.3. ამ ხელშეკრულების შეწყვეტიდან ათი (10) სამუშაო დღის ვადაში, “კომპანია” ვალდებულია მიაწოდოს “კლიენტს” ბოლო ამონაწერი და გადაურიცხოს “კლიენტს” კუთვნილი თანხები “კლიენტის” ანკეტაში მითითებულ საბანკო ანგარიშზე. თუ ხელშეკრულების ვადის გასვლის ან ადრეული შეწყვეტის შემთხვევაში, ანგარიშზე არსებობს ფასიანი ქალაქები, ისინი “კლიენტის” დავალებების საფუძველზე შესაძლოა გადატანილ იქნას მესამე



პირის ანგარიშზე, რომელიც იმოქმედებს, როგორც “კლიენტის” ახალი კასტოდინი ან ნომინალური მფლობელი. თუ “კლიენტი” არ იძლევა მითითებებს შესაძლო პირისათვის ფასიანი ქაღალდების გადაცემის შესახებ, “კომპანია”, საკუთარი გადაწყვეტილებით, აფასებს ფასიან ქაღალდებს შეფასების მეთოდის მიხედვით და ყიდულობს მათ “კლიენტისაგან” ან ყიდის და გადაურიცხავს “კლიენტს” მის კუთვნილ თანხებს.

15.4. “კომპანია” უფლებამოსილია “კლიენტისათვის” სახსრების გადარიცხვამდე დაქვითოს “კომპანიის” კუთვნილი ყველა გასამრჯელო.

15.5. თუ ერთი თვის მანძილზე “კლიენტის” ანგარიშზე არის ნულოვანი “ანგარიშის ნაშთი” ან არასაკმარისი “ანგარიშის ნაშთი” რომ დაიფაროს საანგარიშო გადასახდელები, “კომპანიას” უფლება აქვს მოახდინოს ხელშეკრულების ავტომატური შეჩერება შეტყობინების გარეშე იმ დრომდე, სანამ ანგარიშზე არ განდგება საკმარისი თანხა გადასახდელის დასაფარად. ხელშეკრულების პირობები ხელახლა შევა ძალაში, როცა მოხდება ანგარიშის ხელმეორედ გააქტიურება. ანგარიშის ხელმეორედ გააქტიურება უსასყიდლოა.

### 16. ფორსმაჟორული პირობები

16.1. “კომპანია” თავისუფლდება პასუხისმგებლობისაგან ნებისმიერი ზარალის, ხარჯის ან ზიანის გამო, რომელიც მიადგება “კლიენტს” ან ვალდებულებების შეუსრულებლობის გამო თუ ასეთი გამოწვეული იყო მისი კონტროლის გარეთ არსებული მიზეზებით ნაციონალიზაციის, ექსპროპრიაციის, სავალუტო, საბანკო ან ფასიანი ქაღალდების სფეროსთან დაკავშირებული შეზღუდვების, ომის, ტერორისტული აქტების, აჯანყების, რევოლუციის, სამოქალაქო არეულობის, გაფიცვის, სტიქიური უბედურების, სამთავრობო ორგანოების, სააგენტოების, ხელისუფლების ქმედების ჩათვლით (მიუხედავად იმისა, მოქმედებდა თუ არა სახელისუფლებო ორგანო, სააგენტო და ხელისუფლება მისი უფლებამოსილების ფარგლებში), ასევე ემიტენტის, რეგისტრატორების და საფონდო ბირჟის ქმედების ჩათვლით.

### 17. საერთო დებულებები

17.1. წინამდებარე ხელშეკრულების ნებისმიერი დებულებისათვის ზიანის მიყენების გარეშე, “კომპანია” იტოვებს უფლებას ნებისმიერ დროს შეცვალოს ამ ხელშეკრულების პირობები (დანართების ჩათვლით), რათა მოხდეს საბაზრო პირობებსა და შესაბამის კანონებში განხორციელებული ცვლილებების ასახვა. ცვლილებების განხორციელება შესაძლებელია შემდეგი წესების დაცვით: (1) თუ ცვლილება “კლიენტის” სასარგებლოდ არის, იგი მაშინვე შედის ძალაში და ინფორმაცია ამის შესახებ ეგზავნება “კლიენტს” ოცდაათი (30) დღის განმავლობაში. (2) თუ ცვლილება არც “კლიენტის” სასარგებლოდ არის და არც მის საზიანოდ, “კომპანია” “კლიენტს” ატყობინებს შეძლებისდაგვარად სწრაფად, მაგრამ ამოქმედებამდე არა უგვიანეს 10 დღით ადრე. (3) თუ ცვლილება ზრდის “კლიენტის” ტვირთს, “კომპანია” ამის შესახებ ატყობინებს “კლიენტს” სულ მცირე 30 დღით ადრე ცვლილების ძალაში შესვლამდე.

17.2. თუ ამ ხელშეკრულების რომელიმე დებულება გახდება ან ჩაითვლება არაკანონიერად, ძალადაკარგულად ან განუხორციელებლად ნებისმიერ დროს, მხარეების იურისდიქციის კანონმდებლობით, ზემოაღნიშნული გავლენას არ იქონიებს ხელშეკრულების დანარჩენი დებულებების კანონიერებაზე, მოქმედებასა და განხორციელებაზე და მოხდება ძალადაკარგულ ან განუხორციელებელ დებულებებში ცვლილებების იმგვარად შეტანა, რომ აღნიშნული ცვლილებების განხორციელებით მიღწეული შედეგი მაქსიმალურად დაუახლოვდეს მხარეების მიერ განზრახულ ეკონომიკურ შედეგს.

17.3. წინამდებარე ხელშეკრულება მაღლა დგას მხარეებს შორის ყველა ამ დრომდე არსებულ ზეპირი თუ წერილობითი სახის ხელშეკრულებაზე და მოლაპარაკებაზე.

17.4. მხარეები თანხმდებიან, რომ ყოველი მათგანი უფლებამოსილია ავტომატურად აწარმოოს მხარეების წარმომადგენლების სატელეფონო საუბრების ჩაწერა, რომელიც დაკავშირებულია ოპერაციების პირობების შესახებ მოლაპარაკებებთან და კონკრეტული დავალებების შესრულების მიცემასთან. ასევე, მხარეები უფლებამოსილნი არიან გამოიყენონ ეს ჩანაწერები, როგორც მათი ქმედების დამასაბუთებელი საფუძველი





ოპერაციის განხორციელების და დავალებების მიღების დასაბუთების მიზნით. “კლიენტი” თანახმაა განხორციელდეს მსგავსი ჩანაწერები მისი და “კომპანიის” უფლებამოსილ პირებს შორის, თუ ასეთი საუბარი ეხება ოპერაციას და “კლიენტისათვის” მომსახურების გაწევის პირობებსა და პროცედურებს.

“კლიენტი” თანახმაა, რომ მხარეებს შორის ოპერაციის შესრულებასა და მნიშვნელოვან საკითხებზე შეთანხმების დროს სადავო საკითხების წარმოშობის შემთხვევაში, როცა არსებობს “კლიენტის” მიერ “კომპანიისათვის” ზეპირი დავალებები, ასეთი სატელეფონო საუბრის ჩანაწერის გამოყენება იქნება სადავო საკითხზე მხარეთა სადავო პოზიციების საკმარისი და გონივრული მტკიცებულება. ზემოაღნიშნულიდან გამომდინარე, მხარეები თანხმდებიან, რომ არცერთი მათგანი არ არის წინააღმდეგი და არ შეუშლის ხელს ასეთი ჩანაწერების გამოყენებას საარბიტრაჟო სასამართლოს მიერ სადავო საკითხების გადაწყვეტის პროცესში და რომ დავების დარეგულირების დროს ასეთი ჩანაწერები გამოყენებული იქნება, როგორც მათი პოზიციების ობიექტური მტკიცებულება. მხარეთა მოთხოვნის საფუძველზე, შესაძლოა გაკეთდეს ჩანაწერის ნამდვილობის ექსპერტიზა.

**18. მოქმედი კანონი და დავების მოგვარება**

18.1. წინამდებარე ხელშეკრულება, მისგან წარმოშობილი ურთიერთობები და მასთან დაკავშირებული დავები რეგულირდება საქართველოს კანონმდებლობის შესაბამისად. ამ ხელშეკრულებასთან დაკავშირებული ნებისმიერი სამართლებრივი ქმედება ან სამართალწარმოება განხილული იქნება საქართველოს სასამართლოს მიერ. მხარეები უპირობოდ აღიარებენ ზემოაღნიშნული სასამართლოს ექსკლუზიურ იურისდიქციას და ადასტურებენ, რომ არ მიმართავენ ნებისმიერ სხვა სასამართლოს საჩივრით ან აპელაციით.

წინამდებარე ხელშეკრულება შედგენილია ორ ეგზემპლარად, ქართულ ენაზე და ორივეს ერთნაირი იურიდიული ძალა აქვს. მხარეებს გადაეცემათ თითო ეგზემპლარი.

**19. მხარეთა განაცხადი**

მხარეები აცხადებენ, რომ ამ ხელშეკრულების გაფორმების მომენტიდან მომდინარე წინამდებარე მუხლში მოყვანილი ინფორმაცია და წინამდებარე ხელშეკრულების ნებისმიერი დანართი შეესაბამება სიმართლეს. მხარეები აცხადებენ მზადყოფნას, დაუყოვნებლივ, წერილობით ფორმით შეატყობინონ ერთმანეთს ამ ინფორმაციაში რაიმე ცვლილების შემთხვევაში. ყველა შეტყობინება, ანგარიში, ამონაწერები, დავალებები და სხვა, ამ ხელშეკრულებით განსაზღვრული, დოკუმენტები ჩაითვლება სათანადო ფორმით წარმოდგენილად, თუ ისინი შედგენილია წერილობითი ფორმით და გაგზავნილია ელ-ფოსტით, ფაქსიმილეთი, ან მიტანილია ხელით კომპანიის ქვემოთ და კლიენტის ანკეტაში მოცემულ მისამართებზე.

„კომპანია“: სს „გალტ ენდ თაგარტი“

საფოსტო მისამართი: 0102 თბილისი  
დ. აღმაშენებლის გამზ. 79  
ელ-ფოსტა: [st@gt.ge](mailto:st@gt.ge)  
ტელ.: +995 (32) 240 11 11; +995 (32) 244 41 32  
ფაქსი: +995 (32) 2235804

[www.gt.ge](http://www.gt.ge)  
საბროკერო მომსახურების საბანკო ანგარიში (ლარი):  
საქართ. სვიფტ კოდი BAGAGE22  
№ GE90BG000000182177800

გაყიდვებისა და ვაჭრობის ხელმძღვანელი – ჯემალ  
თოდუა  
გენერალური დირექტორი – ირაკლი კირტავა

„კლიენტი“: \_\_\_\_\_

მისამართი:  
ტელეფონი:  
ელ-ფოსტა:  
ფაქსი:

საბანკო ანგ.:

ხელმოწერა

ხელმოწერა, ბეჭედი

ხელშეკრულება კომპანიის მიერ გაწეული მომსახურების შესახებ  
დანართი 1

მომსახურების სახეობათა ტარიფები

1. სადეპოზიტარო მომსახურება

აღწერა	გადახდის წესი	ლარი თუ სხვაგვარად არ არის მითითებული*	შენიშვნა
ანგარიშის გახსნა		0	
ანგარიშის დახურვა		0	
ფასიანი ქაღალდების ფლობა (შენახვა)	ყოველთვიური	ა) 0 ბ) შეფასების მეთოდით დადგენილი პორტფელის საბაზრო ღირებულების 0.005% ფიქსირებული შემოსავლის მქონე ფასიანი ქაღალდების და აქციების შემთხვევაში ( მინიმუმ 10ლ.) გ) შეფასების მეთოდით დადგენილი ფასიანი ქაღალდების პორტფელის საბაზრო ღირებულების 0.007% (მინიმუმ 0.5ლ.) დ) შეფასების მეთოდით დადგენილი ფასიანი ქაღალდების პორტფელის საბაზრო ღირებულების 0.001% (მინიმუმ 0.50ლ)	ა) ადგილობრივი ფასიანი ქაღალდებისათვის. ბ) გამოიყენება უცხოური არამატერიალიზებული ფასიანი ქაღალდების შემთხვევაში. თუ კლიენტს “გ” პუნქტით ეკუთვნის გადახდა, მაშინ პუნქტი “გ” კარგავს ძალას. გ) გამოიყენება Bgeo Group Plc.-ს და Georgia Healthcare Group Plc-ს აქციების შემთხვევაში. დ) გამოიყენება სს საქართველოს ბანკი"-ს მიერ გამოშვებული საერთაშორისო სადეპოზიტო სერთიფიკატების შემთხვევაში.
ქართული ფასიანი ქაღალდების მიღება/მიწოდება	ყოველი ოპერაციისათვის	0	+ რეგისტრატორის, დეპოზიტარისა და სხვა ხარჯები
უცხოური ფასიანი ქაღალდების მიღება/მიწოდება (ანგარიშზე ჩარიცხვა/ანგარიშიდან ჩამოწერა)	ყოველი ოპერაციისათვის	50	+ სხვა ხარჯები თუ ეს ხარჯები აღემატება 50 ლარს. მინორიტარი აქციონერის შემთხვევაში, უცხოური ფასიანი ქაღალდების მიღება/მიწოდების საკომისო შესაძლებელია შეთანხმდეს მხარეებს შორის და დაფიქსირდეს დავალების ბილეთში.
“stamp tax” – დიდი ბრიტანეთის მოსაკრებელი ბრიტანული ფასიანი ქაღალდების შექენაზე	ყოველი ოპერაციისთვის	შენაძენის ღირებულების 0.5%	დიდი ბრიტანეთის მიერ დაწესებული გადასახადი ლოკალური ბრიტანული აქციებისთვის, რომელიც შეიძლება შეყვანილ იქნეს საბროკერო საკომისიოში ან განცალკევდეს

ფასიანი ქაღალდების ყველა სახის კონვერტაცია (გადაცვლა)	თითო ფასიან ქაღალდზე	ა) 0.01 ლარი ბ) 0.06 აშშ დოლარი	სავაჭრო დავალების ბილეთში. ა) ფასიანი ქაღალდების კონვერტაციის საკომისიო ბ) გამოიყენება დამატებით („ა“ საკომისიოსთან ერთად) დეპოზიტარული ხელწერილების კონვერტაციის შემთხვევაში. + ოპერაციასთან დაკავშირებული ხარჯები (რეგისტრატორის, დეპოზიტარის, კასტოდიანის და სხვა.)
ფასიანი ქაღალდების დაბლოკვა, დაგირავება, განუქება	ყოველი ოპერაციისათვის	საბაზრო ღირებულების 0.1% (მინ. 20, მაქს. 1000)	
უცხოური ვალუტის გადარიცხვა კონკრეტული ბანკის ფარგლებს გარეთ	ყოველი ოპერაციისათვის	0.1% (მინ .10 აშშ დოლარი)	

**2. საბროკერო მომსახურება**

აღწერა	გადახდის წესი	ლარი თუ სხვაგვარად არ არის მითითებული*	შენიშვნა
აქციები, ობლიგაციები ყიდვა/გაყიდვა	ყოველ გარიგებაზე	% გარიგების მოცულობიდან	ზუსტი ტარიფი ან თანხა განისაზღვრება შესაბამის სავაჭრო დავალების ბილეთში მხარეებს შორის შეთანხმებით. მინიმუმ 0.035 აშშ დოლარი ერთ აქციაზე იმ აქციებისთვის რომლებიც ივაჭრება აშშ-ში ან კანადაში.
სხვა ფასიანი ქაღალდები	ყოველ გარიგებაზე	% გარიგების მოცულობიდან	ზუსტი ტარიფი განისაზღვრება სავაჭრო დავალების ბილეთში და უნდა შეთანხმდეს მხარეებს შორის გარიგების განხორციელებამდე.

**3. სხვა მომსახურება**

**კორპორატიული საკითხები**

აღწერა	გადახდის წესი	ლარი თუ სხვაგვარად არ არის მითითებული*	შენიშვნა
ემიტენტისაგან (რეგისტრატორი, დეპოზიტარი) კორპორატიულ ქმედებათა შესახებ (საერთო წლიური კრება, რიგგარეშე კრება, ახალი ემისიის პროსპექტები, კომპანიის ანგარიშები) ინფორმაციის მოპოვება, თარგმნა და გავრცელება კლიენტის/ინფორმაციის გამავრცელებლის მოთხოვნის საფუძველზე	ყოველი ემიტენტისათვის	50 ლარი + ყველა გონივრული ხარჯი	კომპანია არ არის პასუხისმგებელი იმ ზარალზე, რომელიც შესაძლოა კლიენტს მიადგეს ემიტენტის მიერ ან თარგმანის გამო კლიენტისათვის არასწორი ინფორმაციის მიწოდებით. სავალდებულო ინფორმაციის მიწოდება ხდება უსასყიდლოდ.
	ყოველი ემიტენტისათვის	0.1 ლარი 1 გვერდზე	ასლებისათვის

საერთო წლიურ კრებაზე, რიგგარეშე კრებაზე დასწრება და კენჭისყრაში მონაწილეობა.	ყოველი კრებისათვის	თანმხლები ხარჯები	უსასყიდლოა, თუ კომპანია კრებას ესწრება კომპანიის ან კლიენტთა დიდ ჯგუფის ინტერესების დასაცავად + ყველა დაკავშირებული ხარჯი, რომელიც კომპანიას შეუძლია გადაანაწილოს კლიენტებზე პროპორციულად
--	--------------------	-------------------	---

**ღივიღენდები**

აღწერა	გადახდის წესი	ლარი თუ სხვაგვარად არ არის მითითებული*	შენიშვნა
ღივიღენდის კლიენტის ანგარიშზე ჩარიცხვა	ყოველ ემიტენტზე	უფასო	+ დაკავშირებული ხარჯები (მათ შორის რეგისტრატორის, კასტოდიანის დეპოზიტარის შესაბამისი ხარჯები)

**4. ანგარიშები**

აღწერა	გადახდის წესი	ლარი თუ სხვაგვარად არ არის მითითებული*	შენიშვნა
წინა დღეს განხორციელებულ ოპერაციებზე ამონაწერის მომზადება და მიწოდება	ყოველ ამონაწერზე	0	მომდევო დღეს
ყოველთვიური ამონაწერების მომზადება და მიწოდება	ყოველ ამონაწერზე	0	თვის დასრულებიდან 10 დღის ვადაში
სავალდებულო ანგარიშების წარდგენის გარდა კლიენტის მოთხოვნით დამატებითი ამონაწერების და ანგარიშის შესახებ ინფორმაციის მომზადება და მიწოდება	ყოველ ამონაწერზე	0	კლიენტის მოთხოვნიდან 1 სამუშაო დღის ვადაში

\*ტარიფები მოცემულია დღე-ს გარეშე, რომლის გადახდაც სავალდებულოა ოპერაციის ზოგიერთ სახეზე

\*\* შეიცავს ყველა სათანადო გადასახადს

შენიშვნა: საკომისიოები უფრო მაღალი შეიძლება იყოს რიგ მომსახურებებზე, რომლებზეც გალტ ენდ თაგარტს ექნება უფრო მაღალი ხარჯები